



# Levantamentu COVID-19 Timor Leste

Ronda 3 – Setembru 2020

Ho apoiu husi



Implementa husi



Publika husi



Publikasaun ida ne'e hetan finansiamentu husi Governu Australianu liuhusi Departamentu Negósiu Estranjeiru no Komérsiu, liuhusi ninia programa Governasaun ba Dezenvolvimentu. Vizaun sira ne'ebé hato'o iha publikasaun ne'e hakerek-na'in nian deit no ne'e la'os nesesariamente vizaun sira husi Governu Australianu nian.

# Levantamentu COVID-19 Timor Leste


## Rezultadu sira fulan-Setembru 2020




Folla faktu ida ne'e prezenta rezultadu sira husi **levantamentu telefónica** husi **adultu Timor Leste** hamutuk 534 ne'ebé hala'o husi **19 Setembru to'o 3 Outubru**. Durante fulan Setembru, iha kazu ativu COVID-19 ida deit iha Timor Leste, no governu nia apoiu pagamentu sira distribui ona ba maioria umakain sira. Rezultadu sira husi **Setembru** ne'e kompara ho rezultadu sira Maiu/Jullu nian.

### Dezafiu boot liu

|  | Maiu | Jullu | Set        |          |
|--|------|-------|------------|----------|
|  | 62%  | 53%   | <b>72%</b> | COVID-19 |
|  | 18%  | 19%   | <b>10%</b> | Política |
|  | 10%  | 18%   | <b>8%</b>  | Ekonomia |



### Timor Leste la'o hela iha diresaun lóos ka sala?




**83%**

Jullu: 64%  
Maiu: 49%

**konfia governu atu tau-matan ba sira durante COVID-19**

### Sente kona-ba governu atuál nia atuasaun:



### Hahalok seguru husi COVID sira tuun (2% - 13%)

(% husi hahalok seguru sira ne'ebé praktikadu)



**67%** Fase liman



**70%** Máskara oin nian



**55%** Halo servisu iha Uma



**60%** Mantén distánsia 2m



**62%** Evita área pública sira

Maibé se sira moras **proporsaun hanesan** sei:



**77%** Hela iha uma deit



**62%** Evita sorumutu sira



**99%** Ba ospital se hetan sintomas



**75%**

*Simu ona osan umakain nian pagamentu \$100 pur umakain*



**60%**

hanoin katak umakain hotuhotu tenki simu osan benefisiu ne'e ho montante hanesan



**33%**

hanoin katak benefisiu ne'e tenki ajusta tuir medida umakain



**31%**

dehan katak folin merkadu sa'e hafoin pagamentu umakain ne'e áas liu iha Dili (45%)



**37%**

hakarak governu atu **hapara estadu emergjensia**

Jullu: 35%  
Maiu: 56%



**46%**

Hanoin katak Governu tenki **fo osan liu tan** ba umakain sira

Jullu: 30%  
Maiu: 36%

Iha loron 30 liubá,



kuaze **metade hamenus** ona **medida han/refeisaun** ka **la han/konsume refeisaun ida** pelu menus dala ida tamba la iha **osan natón** ba ai-han (tun husi treskuartu (3/4) iha Maiu)

Seguransa ai-han ne'e menus preokupasaun iha Setembru duké iha Maiu

**82%**

Jullu: 83%  
Maiu: 72%

# hanoin katak COVID-19 lori ona sira nia komunidadade hamutuk besik liu tan

## Komunidade nia relasaun sira sai forte liu tan

|                              | Set (vs Jullu)    |
|------------------------------|-------------------|
| Komunidade nia relasaun sira | 90%<br><b>+2%</b> |
| Fo tulun                     | 66%<br><b>-3%</b> |
| Hetan tulun                  | 66%<br><b>0%</b>  |

## Proporsaan husi sira ne'ebé negativamente hetan impaktu aumenta ona

|                         | Set | vs Jullu    |
|-------------------------|-----|-------------|
| Tempu ho família        | 39% | <b>+26%</b> |
| Servisu                 | 58% | <b>+24%</b> |
| Rendimentu umakain      | 58% | <b>+23%</b> |
| Parte husi komunidadade | 35% | <b>+20%</b> |
| Sente seguru            | 37% | <b>+20%</b> |


## Maibe, paranoia aumenta ona

|                                   | Set (vs Jullu)     |
|-----------------------------------|--------------------|
| La tolera ho ema husi fatin seluk | 94%<br><b>+13%</b> |
| Ta'uk ho suspeitu kazu COVID sira | 96%<br><b>+4%</b>  |

## 84% mak satisfeitu ho fahe servisu sira umakain nian

## 29% mak mak satisfeitu liu ho fahe servisu iha umakain duké antes pandemia ne'e

Jéneru LA'OS indikadór ida ba satisfasaun ka mudansa satisfasaun nian



**Televizaun** mak sei sai konfiansa liu ba notisia sira kona-ba:

**COVID-19 (77%)** Jullu: 85%, Maiu: 81%  
**Notisia sira seluk (78%)** Jullu: 81%, Maiu: 76%

Barak liu mak nonton: **GMN (86%)** Jullu: 81% Maiu: 67%



Númeru moderadu liu mak konfia rádio ba:

**COVID-19 (12%)** Jullu: 5%, Maiu: 12%  
**Notisia sira seluk (8%)** Jullu: 6%, Maiu: 17%

Barak liu mak rona: **Rádio komunidadade (42%)** Jullu: 19% Maiu: 13%

Sira ne'ebé iha Dili (kompara ho fora husi Dili):

- Konfia **televizaun** ba notisia sira kona-ba COVID (91% vs 71%)
- Laduun prezisa **informasaun** kona-ba **asesu** ba governu nia apoiu (21% vs 27%)



Ami hakarak atu agradese ba respondente 534 ba sira nia tempu no ba entrevistadór 11 iha Dili ne'ebé hala'o levantamentu Jullu nian.

Apoiun husi



Implementa husi



Publika husi



# Antesedénsia


## Peskija ida ne'e kona-ba saida?

COVID-19, ka pandemia globál viruscorona, ezije ona atuasaun boot husi governu sira iha mundu tomak. Timor Leste iha ninia rekízitu úniku rasik wainhira responde eventu ida husi magnitude ida ne'e.

Peskija ida ne'e hakarak atu komprende:

- Povu Timor Leste nia preokupasaun sira
- Di'ak oinsa povu ne'e adopta medida prevensaun sira no tau-matan ba sira nia saúde
- Nivel fiar ba governu
- Uzu no satisfasaun ba governu nia programa sira
- Impkto sosiál no ekonómika sira husi pandemia COVID-19
- Oinsa servisu sira umakain nian fahe ba malu ona durante pandemia ne'e
- Reziliénsia individu sira no sira nia komidade, no
- Fonte notisia no informasaun sira ne'ebé povu Timor Leste depende ba atu kontinua hetan informasaun kona-ba pandemia ne'e.

## Konteistu Timor Leste nian



Felizmente, Timor Leste kontinua evita pontu aat liu husi pandemia COVID-19 kompara ho nasaun barak sira seluk, ho número kí'ik husi kazu sira no la iha transmisaun komunitária. Iha inísiu pandemia ne'e iha Marsu 2020, governu Timor Leste (GOTL) responde liuhusi deklarasaun Estadu Emerjénsia (EE), ne'ebé taka eskola sira, suspende transporte públiku no halibur ema barak, institui taka fronteira no estabelese rekízitu sira ba distansiamentu sosiál. Prekausaun maka'as sira ne'e tama ba vigór durante rekollimentu dadus fulan Maiu nian. Parte sira husi Estadu Emerjénsia nian ne'e hasai tiha molok servisu kampu fulan Jullu nian, fo fali liberdade liu ba rezidente Timor Leste sira maibe nafatin bandu viajen internasionál nian. Iha inísiu fulan Agostu, GOTL reinstitui Estadu Emerjénsia uluknana'in haree liu ba bandu viajen internasionál no posibilita kuarantena obrigatória. Dekretu ida ne'e rekonfirma iha inísiu Setembru no kontinua iha períodu rekollimentu dadus fulan Setembru nia laran tomak.

Tuir kedas ho susesu Apoiu Osan COVID-19 ba umakain sira ne'ebé hahú halo pagamentu iha Juñu, iha fulan SETembru governu anunsia programa foun ida, programa Sesta Bázika. Ida ne'e troka fali pagamentu Umakain nian ne'ebé ho alvu ba umakain no la ajusta bazeia ba medida umakain nian. Peskija sira seluk indika aktak ema ida mesak deit ne'ebé la hetal hamutuk ho sira nia família, purezemplu estudante, feto sira iha uma-mahon no ema LBGTQI sira, jeralmente la simu pagamentu Umakain nian. Enkuantu estudante sira mak temi spesifikamente ba programa foun Sesta Bázika ne'e la klaru se ema sira seluk ne'ebé seidak simu pagamentu Umakain nian sei kualifika ba programa Sesta Bázika ne'e ka lae. Enkuantu programa Sesta Bázika anunsia iha Setembru, distribuisaun pakote ai-han to'ó fulan Novembru mos seidak komesa.

Programa apoiu sira seluk anunsia foinlalais ne'e inklui subsidiu eletrisidade \$15 pur mes, subsidiu saláriu 60% no pagamentu 36% kada fulan ba empregadu-rasik no traballadór informál sira ne'ebé rejista ona ba Seguransa Sosiál.

Iha antesedénsia husi medida sira iha leten, Parlamentu debate daudaun orsamentu 2020 ne'ebé ikusmai aprova iha Otubru 2020. Nia aloka millaun \$322 rekuperasaun COVID-19 no millaun \$109 Sesta Bázika iha Novembru no Dezembru 2020.

### Peskija ne'e atu hala'o ba sé?

Fundasaun Ázia servisu ona ho povu Timor Leste besik tinan 30 kona-ba asuntu sira hanesan empregu, fetu sira nia direitu, no polisiamentu komunitáriu, no komisiona peskija ida ne'e. Rezultadu sira ne'e sei uza ba advokasia ho GoTL no doadór sira kona-ba kestaun sira ne'ebé relasiona ho COVID-19. Peskija ida ne'e hetan apoiu husi Governu Australianu liuhusi Departamentu Negósiu Estranjeiru no Komérsiu (DFAT).

### Oinsa hala'o peskija ne'e?

Entre 19 Setembru ho 3 Otubru, sentru xamada baze-Dili hala'o entrevista 534 ho adultu Timoroan sira, utiliza lista amostra ida husi respondente antes ba Fundasaun Ázia nia levantamentu Tatoli no levantamentu Polisiamentu Komunitáriu nian. Ida ne'e buka-tuir husi levantamentu kuaze-idéntiku sira iha fulan Maiu no Jullu, ne'ebé sei utiliza atu kompara mudansa tuir tempu. Peskija ORIMA (Austrália) servisu ho Fundasaun Ázia kona-ba kestionáriu sira no metodolojia rekollimentu dadus, halo revizaun ba qualidade dadus, no halo análise no relatóriu. Detallu liu tan disponivel iha seksaun metodolojia iha relatóriu ida ne'e. Rezultadu kompletu mos disponivel iha plataforma Vizualizasaun Q2i (*Q2i Visualization platform*): [surveys.asiafoundation.org/](https://surveys.asiafoundation.org/)

### Ba futuru

Levantamentu ne'e ho eispetativa atu hala'o ho intervalu fulan-2 to'o Juñu 2021 atu haree oinsa comunidade nia persepsaun no mudansa haree kada tempu. Relatóriu no plataforma vizualizasaun Q2i ida ne'e sei atualiza beibeik atu reflète dadus ida ne'e.


# Rezultadu sira

## Preokupasaun boot liu sira

Iha **Setembru 2020**, respondente barak liu mak sente katak Timor Leste la'o hela iha diresaun **lóos** (59%) duké iha diresaun sala (41%) – rezulta pontuasaun líkida ida +18%. Ida ne'e hanesan ho fulan Jullu nia rezultadu sira, no mudansa pozitivu substansiál ida husi fulan Maiu.


Grup otas ki'ik liu iha tendénsia atu sai pozitivu liu, ho 57% husi hirak ne'ebé ho otas 17-24 ne'ebé konsidera katak Timor Leste la'o hela iha diresaun lóos, kompara ho 51% entre hirak ne'ebé ho otas 45+. Mane sira mak pozitivu liu duké fetu sira (ho 60% konsidera katak Timor Leste la'o hela iha diresaun lóos, kompara ho 48%), no hirak ne'ebé hela iha Dili (68%), kompara ho 49% hela fora husi Dili.

Jeralmente ko'alia, Timor Leste la'o hela iha...



## Dezafiu boot liu Timor Leste hasoru:

### COVID-19



### Dezafiu sira seluk:


**Kestaun polítika sira 10%**  
**Ekonomia fraku 8%**

Maioria husi respondente sira nafatin dehan katak dezafiu boot liu ne'ebé Timor Leste hasoru mak COVID-19, inklui impaktu ba saúde (72%, no áas liu duké Maiu no Jullu). Kestaun polítika sira (10%) mantén signifkamentemente dezafiu sekundáriu ki'ik liu. Ekonomia fraku (8%) ne'e konsidera menus dezafiu duké iha Jullu ou Maiu.

Grup otas ki'ik liu iha liu tendénsia atu preokupa ba COVID-19, ho 79% husi hirak ne'ebé ho otas 17-24 identifika ida ne'e nu'udar dezafiu boot liu ne'ebé Timor Leste hasoru, kompara ho 66% husi hirak ne'ebé ho otas 45+. Ema ne'ebé seidak simu kualkér pagamentu governu nian mos iha liu tendénsia atu preokupa ba COVID-19, ho 89% husi hirak ne'e indika COVID-19 mak dezafiu boot liu Timor Leste hasoru daudaun, kompara ho 66% entre hirak ne'ebé simu ona pelumenus ida husi pagamentu governu nian.

Iha Setembru, COVID-19 nafatin sai kestaun predominante ida ba individu sira (79%, atu hanesan ho Maiu/Jullu) no komunidadade (64%, maski ne'e menus liu husi 70% iha Jullu no 74% iha Maiu). Kestaun komunidadade komún sira seluk ne'ebé identifika iha Stembre mak ekonomia fraku (62%), falta ai-han (40%) no kestaun polítika sira (38%). Ekonomia fraku (62%) no kestaun polítika sira (50%) mos identifika nu'udar kestaun komún ida, enkuantu kestaun haleu servisu la iha aumenta ona (37%, kompara 23% iha Jullu no 13% iha Maiu), no sai nafatin kestaun signifkante liu duké ida ne'ebé identifika ona ba komunidadade (29%). Inversamente, iha preokupasaun ki'ik liu uitoan kona-ba falta ai-han, seguransa ai-han no nutrisaun iha nivel individuál, ho 22% mak identifika ida ne'e, kompara ho 24% iha Jullu no 39% iha Maiu.


## Problema topu 3 nu'udar individu no iha itaboot nia komunidadade (Resposta oioin, problema maioria nen ne'ebé hatudu iha ne'e)




## Medida prevensaun sira no hahalok tratamentu saúde nian

Husu ba respondente sira se sira iha iha auto-kuarantena, ne'ebé define katak wainhira individu ka família ida hela iha uma esepu ba servisu esensiál sira hanesan sosa ai-han ka ba halo tratamentu saúde. Wainhira husu ida ne'e iha Setembru, 60% husi respondente sira iha períodu balu iha ona auto-kuarantena, inklui 9% *orasne'e daudaun* iha hela auto-kuarantena (tuun husi 27% orasne'e iha auto-kuarantena iha Maiu).

### Itaboot ho itaboot nia família kuarantena-an durante COVID-19?



### Hahalok seguru COVID-19 nian (aplika tebbebes) iha semana kotuk



Maioria husi respondente sira sei nafatin halo tuir 'tebbebes' hahalok prevensaun COVID-19 nian iha Setembru, husi uza máskara sira (70%) to'o hela iha uma esepu ba asuntu esensiál sai ba li'ur (54%). Maibe, maioria hahalok iha tendénsia menus liu atu halo tuir 'tebbebes' duké iha Maiu no Juñu (alein husi la ba tuir halibur malu comunidade nian, ho rezultadu atu hanesan iha ronda tolu levantamentu ne'e hotu). Tuun barak liu mak halo servisu iha uma deit (55% halo hanesan ne'e 'tebbebes' iha Setembru, tuun husi 77% iha Maiu), fase liman hafoin halo kontaktu ruma (67%, tuun husi 85%) no hela iha uma esepu wainhira importante atu la'o sai (54%, menus husi 72%).

### Se itaboot iha sintoma sira, itaboot sei:

| Maiu | Jullu | Set |                                 |
|------|-------|-----|---------------------------------|
| 94%  | 95%   | 99% | Ba ospital ka sentru saúde      |
| 92%  | 79%   | 79% | Informa ba ema ne'ebé besik hau |
| 85%  | 79%   | 77% | Hela iha uma                    |
| -    | -     | 63% | Hemu ai-moruk tradisionál       |
| -    | -     | 80% | Halo hanesan baibain            |

Iha Setembru, kuaze respondente hotuhotu (99%) relata katak sira sei ba ospital ka sentru saúde se sira rasik sente iha sintoma moras, ho proporsauñ áas mak relata katak sira sei informa ba ne'ebé besik sira (79%) no hela iha uma (77%). 63% seluk relata katak sira sei hemu ai-moruk tradisionál (la husu iha ronda sira antes ne'e).

Preokupantemente, maski, 80% husi respondente sira mos relata katak sira sei halo hanesan baibain se sira hatudu sintomas. Respondente sira iha liu tendénsia atu halo hanesan baibain mak hirak ne'ebé hela iha Dili (84%, kompara ho 79% for a husi Dili), respondente sira otas boot


liu (80-83% ba hirak ne'ebé ho otas 35+, kompara ho 77% husi hirak ne'ebé ho otas ki'ik liu), no hirak ne'ebé ho pelumenus labarik dependente ida iha umakain ne'e (77-87%, kompara ho 68% husi hirak ne'ebé la ho labarik dependente sira).

## Fiar ba governu


Fiar ba governu Timor Leste atu tau-matan ba ninia sidadaun sira durante COVID-19 mosu ona substansialmente iha Setembru ho rekor áas, ho 83% pelumenus fiar ba governu, kompara ho 64% iha Jullu no 49% iha Maiu. Similarmente, proporsaan ema ne'ebé la fiar governu kontinua tuun (9% iha Setembru, 18% iha Jullu, 33% iha Maiu).

Fiar ne'e marjinalmente áas liu ba umakain sira iha Dili (86%) duké hirak ne'ebé fora husi Dili (82%). Fiar ne'e iha tendénsia atu tuun tuir otas, ho 88% ba hirak ne'ebé ho otas 17-24 fiar governu, kompara ho 79% entre hirak ho otas 45+. La iha diferença signifíkante entre feto ho mane sira.

### Oinsa itaboot fiar governu atu tau matan ba ninia sidadaun sira durante COVID-19?



### Tuir itaboot nia hanoin kona'ba reasaun husi...



Respondente sira kontinua konsidera katak **governu nia reasaun ba COVID-19** apropriadu liu ona tuir tempu (59% iha Setembru, kompara ho 56% iha Jullu no 53% iha Maiu). Iha kontraste, **reasaun povu Timor ba COVID-19** konsidera signifíkante mente menus apropriada iha Setembru (38%, kompara ho 50-55% iha Maiu/Jullu). Maibe, pontude vista polarizadu liu mosu ona iha ne'ebé 34% konsidera sira nia reasaun ne'e eistremu liu no 28% konsidera ne'e la sufisiente.

Dili nia umakain sira mak iha liu tendénsia atu konsidera **governu nia reasaun** ne'e insufisiente, nune'e mos respondente otas ki'ik liu sira.




## Util no satisfasaun ho governu nia programa sira

Ida husi programa dahuluk sira ne'ebé governu anunsia mak **pagamentu ba umakain**, koñesidu mos hanesan Apoiu Monetáriu ba COVID-19, ne'ebé simu husi 95% husi umakain hotuhotu.

Kuaze ida husi respondente tolu mak indika katak kustu sasán bázika sira hanesan fóos no mina goreng aumenta iha fulan kotuk—31% enjerál, liu uitoan iha Dili (34%) duké fora husi Dili (29%).

### Iha fulan kotuk, kustu sasán sira hanesan fóos no mina goreng muda iha itaboot nia merkadu lokál sira?




Iha tempu levantamentu ne'e, governu konsidera fahe voucher ai-han, ka pakote, nu'udar alternativa positiva ida ba pagamentu osan. Doistersu husi respondente sira indika katak sira sei satisfetu ho sira nia opsaun, maski hirak ho preferénsia ida ba sistema voucher ka pakote (19%) númeru uitoan ba hirak ne'ebé prefere pagamentu osan orasne'e nian (13%). Sira ne'ebé fora husi Dili mak iha liu tendénsia atu prefere pagamentu osan (15%), kompara ho hirak ne'ebé iha Dili (7%).

Grupu otas ki'ik liu sira (liuliu 17-24) iha preferénsia móos pronunsiada liu fali osan, nune'e mos umakain sira ne'ebé iha oan rua ka liu. Nune'e, ba grupu otas no tipu umakain hotuhotu, maioria respondente indika katak opsaun rum abele aseita.

Pursentu hitunulu resin haat husi respondente sira mak indika katak sira nia umakain simu ona (71%) la hein hela atu simu osan (3%) husi **subsídiu eletrisidade**, nu'udar parte husi governu nia programa apoiu (eisklui respondente sira ne'ebé la bele reklama ka ba sira ne'ebé subsídiu la bele aplika). Minoria substansiál husi respondente sira simu on aka hein hela atu simu **subsídiu saláriu traballadór** nian (41%, hanesan ho 39% iha Jullu) ka **empréstimu-kredit mikrofinanssa** (31%, tuun husi 38% iha Jullu).

### Ema ruma iha umakain ida ne'e simu apoiu seluk ruma husi governu nia pakote sosiál-ekonómiku /insentivu sira/programa rekupersaun?


Simu ona ka hein hela




Husu respondente sira atu klasifika kada subsídiu ne'ebé sira simu ona. Besik resipiente sia husi sanulu mak satisfoitu ho kada subsídiu. Satisfasaun ho subsídiu eletrisidade \$15 tuun uitoan tuir tempu (husi 93% fo klasifikasaun pozitiva iha Maiu, tuun ba 87% iha Setembru), enkuantu satisfasaun ho subsídiu rua seluk mak iha nivel rekorde áas liu (91% ba subsídiu ba saláriu traballadór, 87% ba kréditu mikrofinanssa sira).

Satisfasaun ho subsídiu sira ne'e enjerál marjinalmente áas liu iha Dili duké fatin seluseluk, ho diferença boot liu relaciona ho subsídiu eletrisidade (95% klasifika ona ida ne'e pozitivamente iha Dili, 83% fora husi Dili).

### Nivel satisfasaun ba governu nia apoiu / subsídiu sira (ba hirak ne'ebé elijivel, pelumenus di'ak)



### Itaboot buka informasaun iha ne'ebé atu hetan governu nia apoiu?



Televizaun ka rádio mantén fonte informasaun komún liu husi informasaun kona-ba governu nia apoiu, maski ninia prevalénsia tuun ona tuir tempu (60% hetan informasaun kona-ba governu nia apoiu ho dalan ida ne'e iha Setembru, tuun husi 72% iha Jullu 78% iha Maiu). Importánsia husi lider komunitáriu sira nu'udar fonte ida husi informasaun korrespondentemente aumenta (16%, sa'e husi 5%), husi governu nia websites (13%, sa'e husi 7% no 5%).


Dili nia rezidente sira mak iha liu tendénsia duké ema fora husi Dili atu hetan informasaun husi TV ka rádio (68%, kompara ho 54%) ka governu nia website (18%, kompara ho 10%), iha tendénsia menus liu atu depende ba lider komunitáriu sira (6%, kompara ho 22%).

Respondente sira otas 35 mai kraik mak iha liu tendénsia atu hetan informasaun online husi governu nia website (16-20%, kompara ho 9% husi hirak ne'ebé otas boot liu).

## Governu nia apoiu adisionál

Iha ronda levantamentu tolu ne'e hotu husu ona ba respondente sira saida mak governu bele halo atu tulun liu tan ninia sidadaun sira. Iha Setembru, prioridade boot liu mak parese fo tan osan ba umakain sira (46%)—kursu asaun mos haree nu'udar importante, to'o eistensaun uitoan liu, iha ronda tolu ne'e hotu (30% iha Jullu, 36% iha Maiu). Liu tiha untersu husi respondente sira mak sujere hapara estadu emerjénsia (37%, atu hanesan ho 35% iha Jullu, maibe tuun husi 56% iha Maiu), no 31% sujere fo ai-han (la fo nu'udar opsaun iha Jullu, no hili deit husi 3% wainhira fo iha Maiu).

**Durante tempu ida ne'e, saida mak governu bele halo liu tan atu apoia ninia sidadaun sira? (Permite resposta oioin)**



Respondente sira fora husi Dili iha liu tendénsia husu atu hapara estadu emerjénsia (40%, kompara ho 29% iha Dili), nune'e mos ba respondente otas ki'ik liu tinan 17-34 (41-42%, kompara ho 31-35% husi hirak ne'ebé otas boot liu). Respondente sira otas 35+ iha liu tendénsia atu husu osan liu tan ba umakain sira (53-56%, kompara ho 34-40% husi grupu otas ki'ik liu).

Levantamentu ne'e esklarese ona katak governu halo daudaun planu atu halo pagamentu fulan tolu nian ho \$36 kada ema atu apoia auto-empregu no traballadór setór informál sira husu Outubru 2020, fo sira rejistu ba Seguransa Sosiál. Besik dois-tertu husi respondente sira mak hatene kona-ba eskema ne'e (35%) ka rona kona-ba programa ne'e maibe la iha detallu ruma (28%). Husi respondente sira ne'ebé elijivel ba eskema ne'e, 64% sei hakrak atu rejista ba Seguransa Sosiál atu simu pagamentu 54% hatene oinsa atu hetan asesu ba eskema ida ne'e. Respondente sira husi Dili mak signifkantemente hatene liu kona-ba eskema ne'e, hakarak atu rejista no konfia-an atu oinsa asesu ba eskema ne'e.


## Servisu sira umakain nian

Pursentu haatnulu resin tolu husi respondente sira indika katak sira nia servisu umakain nian aumenta dezde hahú pandemia ne'e. Iu untersu husi respondente sira mak persebe aumentu ruma iha servisu ne'ebé atribui uluknana'in ba ema barak iu iha umakain laran (36%); tersu ida seluk atribui nia ba faktu katak iha servisu barak iu atu halo (34%) no so menus uitoan deit husi untersu mak atribui ba menus tulun husi ema sira seluk (29%).

Pursentu ualunulu resin haat husi respondente sira mak indika katak sira satisfeitu ho maneira fahe servisu umakain nian ba malu entre sira ho sira nia kaben, ho 14% la-satisfeitu—aliña lóos ho Jullu nia rezultadu sira (82% satisfeitu, 15% insatisfeitu).

Maski iha distribuisaun la hanesan husi servisu mane no fetu nian iha knar umakain nian tomak (haktuir iha kraik ne'e), proporsaun atu hanesan husi mane sira (85%) no fetu sira (82%) indika katak sira satisfeitu ho diviyaun servisu entre sira no sira nia kaben. Mane no fetu hotu iha tendénsia atu satisfeitu iu ho divizaun servisu umakain nian iha umakain laran ne'ebé la ho oan (96% ba mane sira, 100% ba fetu sira iha umakain hirak ne'e).


### Oinsa itaboot satisfeitu ho maneira fahe servisu umakain nian entre itaboot ho itaboot nia kaben?



doistersu husi respondente sira (66%) indika katak distribuisaun servisu sira entre sira ho sira nia kaben ne'e hanesan ho antes pandemia COVID-19. Tersu ida restante ne'e konsiste iu iha sira ne'ebé hanoin katak distribuisaun ne'e mak di'ak iu (29%), duké áat iu (6%), maski ida ne'e menus husi istória pozitiva duké Jullu ne'ebé 37% hanoin katak distribuisaun servisu ne'e di'ak iu duké antes pandemia ne'e, no 3% hanoin katak áat iu fali.

Mane no fetu sira hotu iha iu tendénsia atu haree distribuisaun servisu umalaran nian ne'e mellora ona, duké sai áat iu, ho fetu sira polarizada iu uitoan (31% husi fetu sira ne'ebé haree melloramentu ida, kompara ho 26% husi mane sira; maibe 8% husi fetu sira haree buat hirak ne'e sai áat iu fali, kompara ho 3% husi mane sira).


### Oinsa itaboot nia satisfasaun ho fahe servisu umakain nian entre itaboot ho itaboot nia kaben kompara ho molok pandemia COVID-19?



Husu respondente sira kona-ba distribuisaun servisu umakain oioin entre sira rasik, sira nia kaben, ka ema seluk (hanesan família, labarik ka kolega ida). Nu'udar iha Jullu, mane sira iha tendénsia atu atrivui servisu barak liu ba sira nia kaben duké ba sira nia an (iha média, ba knar umakain hotuhotu, mane sira atribui 29% husi servisu umakain nian ba sira nia kaben, no 10% ba sira rasik), enkuantu feto sira atu hanesan liu iha sira nia atribuisaun (atribui 18% ba sira nia kaben, 22% ba sira rasik). Iha valór médiu proporsaun atu hanesan husi feto sira ho mane sira dehan katak servisu ne'e fahe hanesan deit (29-30%), no proporsaun atu hanesan atribui servisu ne'e ba ema seluk (31-32%).

Proporsaun husi servisu ne'ebé atribui ba 'ema seluk' dupla dezde Jullu (wainhira iha média, respondente sira dehan 15% husi servisu umakain nian hala'o husi parte seluk). Aumentu boot liu iha servisu terseira-parte nian relaciona ho fase bikan (42% ema seluk mak halo, sa'e husi 20%), servisu umalaran hanesan limpeza (39%, sa'e husi 17%) no fase ropa (38%, sa'e husi 21%).


### Persepsaun husi distribuisaun knar (média iha item sira hotu)



Servisu barak liu maioria feto sira mak hala'o dalabarak liu duké hirak ne'ebé mane mak halo—liuliu prepara hahán loroloron nian (barak liu mak feto iha 45% husi respondente sira nia umakain, barak liu mak mane iha 8%), servisu umalaran nian (26% vs 4%), fase bikan (25% vs 4%) fase ropa (25% vs 5%).


Knaar rua ne'e mak iha tendénsia boot liu atu sai responsabilidade mane nian mak finansa umakain nian (maioria mane mak hala'o iha 48% husi umakain sira, maioria feto sira iha 18%) no halo kompras (maioria mane iha 20% husi umakain sira, maioria feto sira iha 15%). Knar umakain nian iha tendénsia boot liu atu fahe hanesan entre kaben-na'in rua ne'e mak halimar ho oan sira (41% husi respondente sira indika katak ida ne'e distribui hanesan iha sira nia umakain).

### Distribuisaun knar (persepsaun husi jéneru rasik)



## Impaktu sosiál no ekonómiku sira

Persepsaun impaktu pesoál husi COVID-19 [Balansu móos: impaktu pozitivu *menus* impaktu negativu]




Husu respondente sira atu identifika oinsa COVID-19 fo ona impaktu ba sira pesoalmente iha aspetu husi sira nia moris—sira hetan ona impaktu pozitivamente, negativamente, ka laduun afetadu liu. Rezultadu *valor balansu móos* (sentimentu pozitivu menus sentimentu negativu) hatudu katak relasiona ho ida ne'e maioria, ema iha liu tendénsia atu haree impaktu COVID-19 ba sira nia moris nu'udar pozitivu duké negativu.

Efeito ida ne'e bele haree iha ronda levantamentu sira hotu, maibe liuliu pronunsia iha Jullu. Iha Setembru, sentimentu pozitivu eskaladu fila fali ba nivel sira atu hanesan ho iha Maiu nian.

Respondente sira favoravel liu ba impaktu COVID-19 ba sira nia sensu apoiu nian (55% indika impaktu pozitivu, 30% impaktu negativu, ho balansu móos ida husi 25% positiva), sira nia sentimentu nu'udar parte husi comunidade (21% balansu móos pozitivu) sira nia sentimentu hanesan sira halo kontribuisaun ne'ebé folin (ne'e mos +20%).

Aspetu moris rua husi respondente sira ba balansu hanoin iha impaktu negativu mak sira nia rendimentu umakain nian (31% hanoin impaktu pozitivu, 58% hanoin ne'e negativu—balansu móos ida husi *menus* 28%) no sira nia servisu (ne'e mos ho balansu móos husi menus 27%).


## Tuir itaboot nia hanoin itaboot nia komunidadade muda ona nu'udar rezultadu husi pandemia COVID-19?



Pursentu ualunulu resin rua fiar katak COVID-19 halo ona sira nia komunidadade hamutuk besik liu tan, aliña ho Jullu nia rezultadu (83%) no aumentu ruma husi 72% iha Maiu. Maibe, respondente sira mos iha liu tendénsia atu konsidera katak Timor Leste sai menus toleránsia ba ema husi fatin diferente ka deskoñesidu iha komunidadade (94%, sa'e husi 81% iha Jullu no 67% iha Maiu), no katak ema sai deskonfiansa ka ta'uk ba suspeitu kazu COVID-19 (96%, sa'e husi 92% iha Jullu no 81% iha Maiu).


Merkadu sira kontinua loke ona dezde Maiu, wainhira 24% husi respondente sira dehan maioria (ka hotuhotu) merkadu sira mak loke, no 35% dehan maioria (ka hotuhotu) mak taka. Agora, 61% deskobre katak barak liu husi sira nia merkadu mak loke, no 15% mak dehan katak barak liu taka). Respondente sira iha tendénsia barak liu atu indika katak merkadu sira loke iha Ermera (83%), Dili (74%) no Covalima (71%), no menus tendénsia iha Lautem (22%) no Bobonaro (24%).

### Merkadu hira mak loke iha itaboot nia área lokál?




Enkuantu maioria husi respondente sira (53%) indika katak sira hakarak-ka-lakohi tenki hamenus ka hakat liu tiha medida refeisaun/hahán nian iha fulan kotuk tamba la iha osan, proporsaun ida ne'e konsideravelmente tuun ona dezde Jullu (70%) no Maiu (76%). Respondente sira iha liu tendénsia atu relata katak la han ka redúz hahán iha Covalima (81%), no tendénsia menus liu atu halo nune'e iha Lautem (5%). Respondente sira ho otas 25 mai kraik iha tendénsia menus atu la han /hakata liu refeisaun sira (42%) duké hirak ne'ebé ho otas 25-44 (58%) ka otas boot liu (55%).

### Iha loron 30 liubá, itaboot hamenus ona medida hahán tamba la iha osan ba hahán?



## Reziliénsia pesoál no komunitária

### Konkorda katak...



Iha ne'e mantén nafatin akordu jerál entre respondente sira katak ema hotu iha Timor Leste bele moris hamutuk ho dame (97% konkorda, 1% la-konkorda) no katak maioria ema iha aldeia pruntu atu tulun malu wainhira presiza (95% konkorda, 0% la-konkorda). Proporsaun hirak ne'e atu hanesan iha ronda levantamentu ne'e hotu.


Iha ona aumentu ba akordu entre respondente isra katak rekursu sira jeralmente halibur hamutuk ba benefisiu ema hotu nian (93% konkorda, sa'e husi 88% iha Jullu no 80% iha Maiu).

Maibe, maioria substansiál ida mos konkorda katak iha sira nia aldeia, ema sei tulun malu deit wainhira sira iha relasaun raan (83%, tuun husi 89% iha Jullu maibe sei nafatin liu 76% iha Maiu). 10% deit mak *la-korkorda* ho razaun ida ne'e.

Alein ne'e, 42% husi respondente sira konkorda katak ema iha sira nia aldeia la fiar malu, ho 51% la-konkorda. Proporsaun ida ne'e marjinalmente pozitivu liu duké iha Jullu, maibe nafatin menus pozitivu duké iha Maiu (27% konkorda, 62% la-konkorda).

Kuaze rua husi respondente tolu indika katak sira pelumenus dalaruma ba kolega ka viziñu sira atu husu konsellu (69%), simu tulun husi kolega ka viziñu sira (66%), ka fo tulun *ba*

### Akontese pelumenus tempu balu




kolega ka viziñu sira (66%). Jeralmente, 69% husi respondente sira pelumenus dalaruma servisu hamutuk iha projetu sira iha aldeia laran (inklui 13% ne'ebé dehan 'dalabarak')—redusaun husi 74% iha Jullu, maibe nafatin pozitivu kompara ho Maiu (59%).

Medida 'kooperasaun' hirak ne'e mioria hotuhotu pozitivu iha grupu otas 35-44 (ho nivel média 80% indika sira halo pelumenus 'dalaruma') no menus liu pozitivu iha grupu otas 17-24 (klasifikasaun média 53%). Medida 'kooperasaun' média mos áas liu ba respondente sira ne'ebé simu governu nia pagamentu sira (75%) duké ba sira ne'ebé la simu (46%).



Respondente sira iha tendénsia at indika nivel ki'ik liu husi reziliénsia duké iha Maiu. Iha diminuisaun iha proporsaun sira ne'ebé indika katak sira 'dalabarak' di'ak fali hafoin moras ka tempu difisil (8%, tuun husi 17% iha Maiu), no adapta ba mudansa (9%, tuun husi 18%). Liu treskuartu mak dehan sira pelumenus *dalaruma* bele hamriik fali/di'ak fali (77%, aliña ho Jullu, maibe tuun husi 85% iha Maiu), no 89% dehan sira bele pelumenus *dalaruma* adapta ba mudansa (sa'e husi 77% iha Jullu, maibe atu hanesan ho 90% iha Maiu).

### Oinsa asuntu sira iha kraik deskreve kona-ba itaboot?




Maioria respondente sira iha vizaun pozitiva ('di'ak' ka 'di'ak lóos') kona-ba sira nia relasaun ho sira nia família (99%), viziñu sira (97%) no ema iha komunidadade enjerál (90%). Klasifikasaun pozitiva kona-ba tipu tolu husi relasaun sira ne'e gradualmente mellora dezde Maiu, liuliu komunidadade nia relasaun sira (wainhira 80% klasifika hirak ne'e pozitivamente). Iha ronda levantamentu ne'e hotu, la liu husi 1% husi respondente sira mak klasifika tipu ruma husi relasaun sira *negativamente* ('áat' ka 'áat lóos').

Aumentu tuir tempu ida ne'e apár husi respondente sira nia impresaun rasik, 13-23% husi ema iha Setembru dehan katak sira nia relasaun mellora ona, no 0-2% deit mak indika katak sai áat liu.

Komunidadade nia relasaun sira maioria klasifika pozitivamente husi respondente sira ne'ebé la ho oan (100%), no menus pozitivamente liu mak klasifika husi sira ne'ebé iha oan haat ka liu (84%).


### Oinsa itaboot klasifika itaboot nia relasaun sira ho...



## Notísia no informasaun sira

Iha Setembru, respondente sira relata nivel ki'ik liu husi konsumu tipu tomak husi média duké iha ronda sira antes, maski ho padraun jerál hanesan: respondente sira iha tendénsia tebtebes atu nonton televizaun pelumenus tempu uitoan kada semana (76%), tuir fali mak uza média sosiál no internet (54%), hafoin rádio (41%) no ikusliu mak jornál sira (22%). Diferensa sira pronunsiada liu kona-ba utilizausaun *loroloron* média sosiál (ho 50% nonton televizaun loroloron, kompara ho 7% lée jornál sira loroloron).

Dili nia rezidente sira mak iha menus tendénsia atu rona rádio (34% halo nune'e pelumenus dalabalu kada semana, kompara ho 43% fora husi Dili), maibé iha liu tendénsia atu nonton televizaun (85% vs 72%), uza média sosiál ka internet (76% vs 43%) ka lée jornál (33% vs 18%). Utilitasaun internet no média sosiál mos áas ba respondente sira entre otas 25-34 (70%), no ki'ik liu entre hirak ne'ebé ho otas 45 ka liu (35%).



### Iha sira nia umakain...


**82%** La fahe sira nia telemovel ho ema seluk, no

**77%** Asesu internet uza telemovel ida

Liu husi haat iha respondente lima (82%) iha sira nia telemovel rasik, ho kuaze barak mak asesu internet ka média sosiál ho sira nia telemovel, ka hatene ema ruma iha sira nia umakain ne'ebé halo nune'e (77%)<sup>1</sup>.

Dili nia rezidente sira (88%) no ema husi umakain sira la ho labarik dependente (90%) mak iha liu tendénsia atu iha sira nia telemovel rasik ka telemovel ne'ebé dedikadu.

### Websites ka apps 5 ne'ebe uza liu



Enjerál, 85% husi respondente sira mak indika katak uza apps balu ka website frekuentemente (ho sira nia telefone, ema seluk nia telefone, ka ho meu sira)—tuun husi nivel utilizausaun liu husi 94-95% iha ronda sira antes. Utilitasaun app ka website regulár ne'e áas liu iha Dili (93%) duké iha fatin seluseluk (82%).


Website ka app ne'ebé maioria uza mak Facebook (75%), tuir fali WhatsApp no YouTube (rua ne'e hotu 21%). Padraun utilizausaun hanesan ba mane no fetu sira, esepu katak fetu sira ne'ebé iha liu tendénsia atu

uza regularmente Facebook (81%, kompara ho 69% husi mane sira).


<sup>1</sup> Tamba peskija ne'e hala'o liuhusi telefone, respondente hotuhotu iha asesu ba telefone ida. Nu'udar komparasaun, iha 2018, porsentu 76 husi respondente sira fo número telefone no so porsentu 33 husi respondente sira mak dehan sira iha asesu ba internet.

Iha Setembru, COVID-19 mantén tópiku maioria ne'ebé tuir beibeik. Besik doistersu husi respondente sira (66%) mak akompaña notisia COVID-19 pelumenus 'kuaze beibeik', aliña ho fulan sira kotui, inklui besik unkuartu (26%) mak akompaña tópiku ne'e 'besik tebtebes'. Pelumenus metade husi respondente sira mos akompaña política nasionál sira (62%), política lokál sira (55%), relasaun mundiál sira (55%) no/ka notisia negósiu no finanseira sira (50%). Tópiku hirak ne'e iha liu tendénsia atu akompaña iha Dili duké fatin seluseluk, liuliu COVID-19 (81% iha Dili, 61% fora husi Dili). Respondente sira ho otas 35-44 mos iha liu tendénsia atu akompaña beibeik tópiku notisia hotuhotu, husi COVID-19 (74%) to'o asuntu negósiu no finanseiru sira (56%).

### Oinsa itaboot akompaña kada tópiku iha kraik ne'e?



### Fonte notisia no informasaun saida mak itaboot fiar liu?



Televizaun nafatin to'o orasne'e mak sai fonte maioria fiar liu ba informasaun, ba COVID-19 (77% husi respondente sira) no notisia sira seluk (78%). Hanesan iha ronda sira antes, Dili nia rezidente sira iha liu tendénsia atu nomeia televizaun nu'udar fonte informasaun ne'ebé fiar liu, ba notisia COVID-19 nian (91%) no mos notisia sira seluk (86%).


Rádio mak fonte informasaun ne'ebé fiar liu ba notisia COVID-19 (12%), tuir fali mak lider lokál /Konsellu suku (7%). Fiar iha fonte tuir mai varia konsideravelmente tuir munisípiu—ida ne'e dehan ho 0% husi respondente sira iha munisípiu barak, maibe komunmente fonte ne'ebé fiar barak liu iha Viqueque (31%), Aileu (28%) no Oecusse (22%).

Respondente sira ne'ebé indika katak sira fiar liu televizaun ba notísia no informasaun sira seluk, mos husu ba sira estasaun ne'ebée mak sira haree/nonton. Nivel haree-na'in husi GMN (86%) no RTTL (85%) nafatin atu hanesan, ho iha Jullu (maski iha Maiu, RTTL iha ninin ida liu GMN, 76% ba 67). Maski estasaun rua ne'e iha número audénsia enjerál atu hanesan, RTTL relativamente forte liu iha Dili (76 vs 67%), no GMN relativamente forte liu fora husi Dili (90% vs 85%).


Respondente sira ne'ebé indika katak sira fiar liu rádio ba notísia no informasaun, husu mos ba sira estasaun saida mak sira rona. RTTL nafatin sai estasaun popular, hanesan ho Maiu no Jullu, ho partilla rona-nain nian áas liu iha Setembru (58%). Kuaze haat husi sanulu mos rona Rádio Komunitade (42%, sa'e husi 19% iha Jullu) no Rádio Maubere (41%, atu hanesan ho Jullu).

Iha Dili, RTTL mak kaer metade liu utoan husi rona-na'in sira (52%), maibe menus dominante liu Rádio Komunitade, Rádio Maubere, no Rádio Falintil (idaidak ho 48%).


**Kanál televizaun saida mak itaboot nonton dalabarak liu?**



**Estasaun rádio saida mak itaboot rona dalabarak liu?**



## Dezafiu boot liu 5 atu asesu informasaun




Liu husi rua husi respondente tolu (69%) indika katak sira hasoru dezafiu balu atu asesu informasaun, maibe proporsaun ida ne'e tuun ona dezde Maiu (82%). Dezafiu komún liu iha kada ronda mak iha fundus limitadu atu selu ligasaun, ne'ebé sai menus problema iha Setembru (34%) duké iha ronda sira antes (47-49%).

Rede fraku, dezafiu ida ba 7% enjerál (no 1% iha Dili) mak dezafiu sériu liu iha munisípiu balu (34% iha Aileu, 20% iha Oecusse). Enjerál, respondente sira iha liu tendénsia atu indika katak hasoru ona dezafiu sira fora husi Dili (75%) duké iha Dili laran (54%).


## Perfil respondente

Perfil husi respondente sira iha kraik ne'e bazeia ba dadus ne'ebé **la-sukat** (kontajen matak husi respondente sira, la ajustadu atu refleto populasaun Timor Leste nian).


### Distritu





### Jéneru



### Otas





### Númeru ema iha itaboot nia umakain




Itaboot nia umakain simu pagamentu governu nian ruma?


Iha loron bainleet, oras hira mak itaboot la'o atu ba kuru bee?



**Oras servisu (se empregadu) dezde hahú Estadu Emerjénsia**



**(Se oras servisu hamenus ona) Itaboot nia patraun/emprezáriu ...**



# Metodolojia

## Oinsa dezenvolve kestionáriu?

Fundasaun Ázia lidera dezenvolvimentu kestionáriu, ho Peskija ORIMA fo konsellu wainhira presiza. Pergunta sira ne'e foti husi peskija antes ne'ebé Fundasaun Ázia hala'o ona, no mos Peskija ORIMA nian kona-ba levantamentu Trasador Rekupeasaun COVID-19, entre levantamentu internasionál kona-ba COVID-19 sira seluk. Kestionáriu Jullu nian ne'e atu-ideéntiku ho Maiu nian, ho seksaun foun ida kona-ba servisu umakain sira no modifikasaun uitoan iha parte seluk balu. Fundasaun Ázia supervizona programasaun no tradusaun kestionáriu ba iha *Open Data Kit* (ODK), plataforma software levantamentu ho kódigu-abertu (*an open-source survey software platform*).

## Oinsa dezenvolve kuadru amostra no oinsa ida ne'e efetivu?

Kuadru amostra ba levantamentu ida ne'e dezenia husi levantamentu Tatoli no Polisiamentu Komunitáriu iha pasadu ne'ebé Fundasaun Ázia hala'o ona oin-ho-oin. Limpeza amostra sira envolve hasai tiha número mamuk / inválidu / duplikadu sira (n=6,344).

Wainhira telefone número ida no ema seluk mak hatán, ema ida ne'e mos bele kompleta peskija ne'e. Enkuantu foti pasu sira atu halo levantamentu ne'e representativa liu tan, amostra husi projetu ne'e klasifika nu'udar naun-probabilidade.

|                        | Proposta mínima | Maiu | Jullu | Setembru |
|------------------------|-----------------|------|-------|----------|
| <b>Mane iha Dili</b>   | 38              | 70   | 78    | 80       |
| <b>Feto iha Dili</b>   | 38              | 57   | 50    | 48       |
| <b>Mane la'os-Dili</b> | 150             | 179  | 174   | 172      |
| <b>Feto la'os-Dili</b> | 150             | 117  | 102   | 107      |

## Oinsa hala'o entrevista telefónica sira?

Atu hala'o servisu kampu nian, Fundasaun Ázia halo parseria ho ONG baze iha Dili ho naran MDI. Maioria entrevistador servisu ona antes iha projetu sira ho Fundasaun Ázia, no barak mak agora servisu ona iha ronda rua ne'e hotu husi levantamentu ne'e. Staf husi Fundasaun Ázia bolu rekontaktu fali sira ba propózitu validasaun, no la hasoru problema boot ruma. Monitorizasaun mos hala'o husi staf Fundasaun Ázia nian.

Iha Maiu, Jullu, no Setembru, kuaze levantamentu hotuhotu hala'o ona iha Tetum, ho ida deit mak hala'o iha Fatuluk, Bahasa Indonézia ka Baikenu. Respondente sira simu pulsa \$2 hodi partisipa iha peskija ne'e.

|  | Maiu    | Jullu    | Setembru  |
|--|---------|----------|-----------|
| <b>Lista amostra<sup>2</sup></b>             | 2,307   | 1,192    | 534       |
| <b>La koho</b>                               | 30      | 47       | 66        |
| <b>Número sira ne'ebé la atende</b>          | 1,666   | 619      | 60        |
| <b>Dadus-estabelesidu final</b>              | 423     | 404      | 407       |
| <b>Tasa resposta<sup>3</sup></b>             | 19.9%   | 32.6%    | 76.2%     |
| <b>Inisiu servisu kampu (2020)</b>           | 19 Maiu | 18 Jullu | 21 Set    |
| <b>Remata servisu kampu (2020)</b>           | 25 Maiu | 17 Jullu | 02 Otubru |
| <b>Média durasaun entrevista<sup>4</sup></b> | 47m25s  | 41m30s   | 43m23s    |
| <b>Número husi entrevistador</b>             | 14      | 19       | 11        |

<sup>2</sup> Iha Maiu, kazu 2,307 deit mak telephone husi lista amostra ne'e. Iha Jullu, enumerador sira tau alvu ba kuota sira difisil-atu-atinji husi total amostra kompletu número 7,293 (tamba lista amostra kontén jéneru no fatin husi respondente sira ne'e). Número 1,192 foti ho métodu ida ne'e. Iha Setembru iha kazu 534 deit mak telephone husi lista amostra nee.

<sup>3</sup> Tasa resposta ne'e kalkula husi número kompletu levantamentu final ne'ebé mai husi kuadru amostra divide ho número telefóne válidu sira ne'ebé utiliza husi kuadru amostra ne'e.

<sup>4</sup> Eisklui kazu 25/29/28 ne'ebé nia durasaun liu tiha oras 4, liuliu iha tendénsia atu la hanehan butaun "simu" final nian.



## Pasu saida deit mak foti ona atu aseguira dadus ne'e reprezentativa duni husi populasaun Timor Leste?

Peskija ne'e dezeña atu sai reprezentativa liu tan ba populasaun adultu (17+) iha Timor Leste nu'udar define husi Resenseamentu 2015. Konsiderasaun sira iha metodu amostra inklui nesesidade atu posibilita komparasaun entre Dili ho distritu sira seluk, no mos sai pratiku relativamente tuir orariu tempu ne'ebé badak no amostra ne'ebé limitadu.

Kuota mínima sira (haree parte kuana, iha leten) estabelese atu aseguira jeneru apropiada no kobertura jeografika. Kuota ida, relasiona ho feto sira fora husi Dili, nunca atinji. Alein ne'e, distritu individuál sira fora husi Dili iha kuota mínima sira ne'ebé proporsiona ho sira nia populasaun. Kuota mínima ne'ebé prezisa ba kada distritu mak 10. Distritu sira ne'ebé ho populasaun áas liu (hanesan Baucau no Ermera) iha kuotá mínima 25.

Iha kada ronda, sukat amostra ho markasaun populasaun nu'udar define ona iha resenseamentu 2015. Ida ne'e atu korrije bias resposta sira husi mane no otas klaran sira, no mos uitoan iha Dili nia amostra-liu sira. Sukat Metodu Aleatóriu Iterativu (*Random Iterative Method (RIM)*) utiliza pakote anesrake iha stúdio R ne'ebé hili nu'udar metodu sukat ne'ebé apropiadu liu ho konsiderasaun ba komparabilidade iha futuru, simplisidadse no representasaun populasaun nian. Variavel sira ne'ebé uza ba sasukat, proporsaan sira iha populasaun no proporsaan sira ne'ebé la-sukat hatudu iha parte kuana ne'e.

|                   | Populasaun<br>(N=662,285) | Maiu<br>la-sukat<br>(n=423) | Jullu<br>la-sukat<br>(n=404) |
|-------------------|---------------------------|-----------------------------|------------------------------|
| Otas              |                           |                             |                              |
| <b>17-24</b>      | 28%                       | 14%                         | 15%                          |
| <b>25-44</b>      | 41%                       | 53%                         | 58%                          |
| <b>45-120</b>     | 31%                       | 33%                         | 27%                          |
| Jéneru            |                           |                             |                              |
| <b>Mane</b>       | 50%                       | 59%                         | 62%                          |
| <b>Feto</b>       | 50%                       | 41%                         | 38%                          |
| Fatin             |                           |                             |                              |
| <b>Dili</b>       | 26%                       | 30%                         | 32%                          |
| <b>La'os Dili</b> | 74%                       | 70%                         | 68%                          |

## Pasu prosesamentu dadus saida mak foti ona?

Wainhira ORIMA simu ona dadus ne'e, pasu prosesamentu dadus tuir mai hala'ó:

- Verifikasaun duplikada no verifikasaun lais ida hala'ó. Iha ronda 1, ida ne'e rezulta hasai tiha kazu 4.
- Liña resposta husi pergunta sira iha Tetum ne'e tradúz husi Fundasaun Ázia.
- Resposta "La hatene" sira iha pergunta resposta-oioin nian ne'e halo eiskluzivu tiha.
- Hala'ó kodigasasun-ihakotuk wainhira prezisa.
- Label variavel no label valór sira verifikadu no modifikadu ba propóriu relatóriu nian.
- Sukat hala'ó hanesan iha leten ne'e.

Resposta sira ne'ebé hatudu tipu la'os-resposta (hanesan "La hatene", "La aplikavel" no "La koho") hasai tiha husi baze iha relatóriu ida ne'e, so wainhira indika buat seluk.

## Oinsa ha'u bele konfia iha rezultadu sira ne'e?

Marjen estatística husi erru sira kalkula uza pursentajen proporsaan ida husi 50% iha nivel konfidensiál 95%. Ida ne'e bele zua nu'udar matadalan jerál ida wainhira determina rezultadu sira ne'e atualmente diferente ka diferente deit tuir mudansa. Fatór sira seluk,

hanesan metodu amostra, bias la'os-resposta no erru sasukat tenki konsidera mos wainhira interpreta rezultadu sira figura sira iha teistu ne'ebé ho bandeira ne'ebé diferente entre sub-grupu sira deskobre nu'udar signifikante ho pelumenus kategoria ida seluk ne'ebé uza teste Welch T iha intervalu konfidensiál 95% ho korresaun Bonferroni iha *cTables interface SPSS* nian. Análize kona-ba diferensa entre sub-grupu sira ne'e sujeitu ba marjen erru áas liu no teste hirak ne'e konsidra ida ne'e. Maibe, sira tenki uza deit nu'udar matadalan jerál ida. Teste sira la esklaresidu iha ne'ebé eziste diferensa sub-grupu. Pur ezemplu, iha diferensa uitoan tuir jeneru. Iha relatóriu ida ne'e, la'os figura hotuhotu sei adisiona to'ó 100% tamba arondamentu/tuir ronda.

|                                     | Maiu  | Jullu | Setembru |
|-------------------------------------|-------|-------|----------|
| <b>Númeru husi resposta sira</b>    | 423   | 404   | 407      |
| <b>Marjen estatística husi erru</b> | ±4.8% | ±4.9% | ±4.9%    |

## Kona-ba Fundasaun Ázia

Fundasaun Ázia ne'e organizasaun dezenvolvimentu internasionál naun-lukrativa ida ne'ebé iha kompromisu atu mellora moris iha Ázia ne'ebé dinámika no dezenvolve daudaun. Servisu liuhusi ami sede iha nasaun 18 no hetan informasaun husi espertu lokál kle'án no eisperiénsia iha dékada nen, ami responde kestaun crítica sira ne'ebé afeta Ázia iha sékulu 21 liuhusi: reforsa gvernasau, haboot oportunidade ekonómika, aumenta reziliénsia ambientál, hakbiit feto sira, no promove kooperasaun internasionál. Iha Timor Leste, Fundasaun ne'e orasne'e daudaun focus ba reforsa gvernasau no polítika, hapara violénsia kontra feto sira, dezenvolve turizmu inkluzivu, no promove paz no justisa.

Ba informasaun liu tan kona Fundasaun Ázia favór vizita [asiafoundation.org](http://asiafoundation.org), ka kontaktu:

**Pauline Tweedie** – Representante Nasionál – Dili, Timor Leste – [pauline.tweedie@asiafoundation.org](mailto:pauline.tweedie@asiafoundation.org)

**Enderesu:** Avenida Luro Mata, Bairro Metin II, Bebonuk - Dili, Timor Leste **Tel:** + 670 331-3457

## Kona-ba Peskija ORIMA

Peskija ORIMA ne'e kompañia peskija sosiál Australiana ida ne'ebé espesializa iha setór govenu no setór naun-lukrativu sira. ORIMA servisu estensivamente ona ho Fundasaun Ázia dezde 2015, inklui kona-ba prosesamentu dados, metodolojia levantamentu no análise no relatóriu.

Ba informasaun liu tan kona-ba Peskija ORIMA favór vizita ami nia website [www.orima.com.au](http://www.orima.com.au), ka kontaktu:

**David Bruce** – Parseiru Asosiadu – Canberra, Austrália – [david.bruce@orima.com](mailto:david.bruce@orima.com)

Relatóriu ida ne'e publika tuir padraun internasionál ISO20252.